

句餘土音補注

五



句餘土音補注卷六

四明全祖望雙韭氏著

後學陳銘海星厓氏補注

甬上琴操

孫拾遺淨慧社操

原注拾遺風節足與司空侍郎齊名校之昭諫更上一層

唐史失之可惜○曹秉仁寧波府志孫郃字希韓世居奉化少負氣岸天祐間官右拾遺時權在藩鎮雖屢有奏陳帝不能用逮朱溫篡唐卽挂冠遯著書紀年悉用甲子有晉陶靖節之風性愛林泉藉以養晦作詩擬陳子昂有哭方干詩偉節凜然極爲激楚故宅在縣東數里後徙湖山廢爲淨慧寺子孫漸有徙家會稽者宋天禧中孫沔舉進士爲御史裏行後知明州杜正獻嘗以詩送之有暫還仁里底斯民之句云其後夷仲濟奉時中皆以科第顯按湖山在奉化縣西北二十里刻溪繞後湖水繞前故名元袁桷延祐四明志

孫沔字元規會稽人仁宗朝累官至觀文殿學士以知濠州致仕英宗卽位用歐陽修薦起知河中徙慶州復徙延州道卒諡威敏沔遠祖邵唐乾寧中進士官河南府文學本四明人沔嘗以母喪求知明州會京東盜起不果及致仕遂居于鄞王安石令鄞沔書曰比方得邑海上聞左右之別業實在敝境沔與蔡襄唱酬亦曰新治甬上居閒逸安暮齒云黃宗義四明山志白雲山有樂安侯墓五代之孫邵也唐末爲左拾遺朱溫篡位著春秋無賢人論歸隱此山

芒碭雲深兮眞龍所出胡今不然兮天狼猖獗白馬波
沈兮清流泣血危哉侍郎兮以詐墜笏歸來王官兮僅
而得脫其餘霸府兮更無人物羅郎正議兮足壯吳越
惜哉斯人兮尙參記室吾將隱兮明山之窟參彼淨慧
兮逃彼禪悅

白馬波沈

通鑑唐昭宣帝時柳璨為相性頃巧曲事

會彗星長竟天之變占曰君臣俱災宜誅殺以應

之璨因疏樞等于溫判官李振又勸之于是溫集樞

與故相洛陽獨孤損博陵崔遠陝人陸辰太原王溥

奉天趙崇等三十餘人于白馬驛一夕盡殺之投尸

于河初李振屢舉進士不第故深嫉縉紳之士言于

溫曰此輩常自謂清流宜投之黃河使為濁流溫笑

而從侍郎唐書司空圖自僖宗時棄官歸隱王官

璨以詔書徵之圖詣闕佯為哀野墜笏失儀于是璨

復下詔曰養高釣名匪夷匪惠難居公正之朝可放

還王官縣唐司空圖隱此建休亭四壁悉圖唐

山興節士羅郎于詠史有湘南雜稿性傲睨少與桐

文人廬章魯風齊名唐宰相鄭畋深器重之錢鏐辟為從

事嘗說鏐討朱溫曰縱無成功猶可退保杭越奈何

交臂事賊為終古之羞乎

胡劉二義士遐追山操

原注胡毅劉銀力為吳

越王爭納土事固不量

二

力然各爲其主不可謂非錢氏之忠臣也慈
水東遐追山祀胡西遐追山祀劉近人失攷
謂皆祀勸降之鮑侍郎約謬矣。宋乾道張氏圖
經五代末有鮑侍郎約相錢氏宋初勸以納
土胡毅劉銀皆言不可錢氏計定胡劉遂遠
竄海上使人追之不及遂隱是山終老其時
錢氏以詩懷之曰東遐追兮西遐追
鮑約如何罷釣歸海上人至今祀之

夾馬真人兮御茲八極日月出兮燭火其息十國遊魂
兮以次喪節以小抗大兮良不量力各爲其主兮我懷
不懌恥奉降箋兮亡國之戚三王有知兮重泉惻惻東
西遐追兮荷吾君之德臣不返兮非若是恕臣身雖去
兮臣心未逃

夾馬真人

宋受命錄太祖生于洛陽夾馬營初太祖

胞如菡萏被五色三日不變異香馥郁經月不散人
因號其地爲香孩兒營又宋史石熙載微時嘗行嵩

陽道中遇一叟熟視之曰真人將興子當居輔

三

弼之任言訖不見及居太宗幕下頗盡臣節

王按三王謂吳越武肅王錢鏐鏐子文穆王玄瓘瓘

思廢之而立弘俶宋太宗立弟弘侖嗣統軍使胡進

弘俶以其地來歸而吳越亡

黃侍御馬秦山操

原注侍御卜葬其父于鄞而

中故籍侍御潛入昌國避人馬秦山中宰相

死始歸鄞○錢志黃龜年字德邵其先福州

人後葬父于鄞因家焉登崇寧五年進士歷

官殿中侍御史會邊報王倫來歸龜年以秦

檜植黨專權阻止恢復上書言檜不顧國家

威福在己壅塞言路檜遂罷并劾檜黨王喚

王昞王守道皆罷之檜猶授觀文殿大學士

提舉江州太平觀龜年又奏比論檜徇私欺

君合正典刑今乃復寵以最上職名俾得優

游琳館章三上遂褫檜職又請暴白檜惡于

天下從之除太常少卿累遷起居舍人中書

舍人兼給事中檜復相侍御史常同希旨言

龜年陰結大臣致身要地趨操不正司諫詹

大方又劾龜年附麗匪人搢紳不齒遂落職

寓居湖州檜撫其過謫福州後與兄鶴年隱
居昌國之馬秦山檜死復居于鄞初龜年微
時永福簿李朝旌奇之許妻以女龜年既登
第而朝旌已死家貧甚或勸其別娶龜年不
可卒娶之遇任子恩先奏其弟之子人皆義
之子衡仕至湖南提舉○曹志馬秦山在今
定海縣東南山多竹木一
望蔚蔚今已濯濯然矣

一日縱敵兮數世之憂百年爲墟兮誰人之尤奪我茗
水兮禁我福州偃月機深兮畏彼陰謀馬秦山高兮東
海之陬聊避地兮以唱以酬游魚出水兮聽我清謳飛
入汴都兮訴彼共兜飛入鄞江兮省我松楸飛入行在
兮斬佞臣頭

茗水

卽茗溪在今湖州源出自天目山

鄞江

明史稿云

鄞江一名甬江四明諸山之水匯流東北出而達定
海縣界東南有奉化江西北有慈溪江皆流合于鄞

江

豐吏部望揚州操

原注豐清敏公之孫治殉難揚州事定後高宗官其子誼

誼當父死時甫三歲棄道旁後爲名儒吾鄉志乘失立傳。蔣學鏞甬上先賢傳豐治失

其字建炎時監揚州轉般倉金人陷揚州死于難其子誼甫三歲棄道旁見者憐而養之

紹興中詔褒其忠官誼爲將仕郎

六龍南飛兮棄我蜀岡居民擾擾兮唱誅汪黃蜀岡弛
戰兮戎備久荒況先子兮廩官監倉爲國死官兮不去
不降我乃元祐黨人之孫兮姓氏堂堂死見司馬公兮
契家之光嗟孤兒兮擲道旁泣呱呱兮幸脫劒鏑孤兒
有感兮非所望望揚州兮雲茫茫

棄我蜀岡

宋史高宗卽位應天汪伯彥黃潛善猶力主南幸以避敵李綱曰自古中興之主起

西北足以據中原而有東南起東南不能復中原而有西北願駕幸南陽再遷汴都帝不聽至是卒從汪黃等請決策幸揚州時金兵橫行盜賊蜂起二人皆不以聞建炎三年二月金粘沒喝陷天長軍漸逼揚州報至上卽乘馬馳至瓜州得小舟渡江時汪伯彥黃潛善上方率同列聽浮屠說法罷會食堂吏大呼曰駕行矣二人相顧倉皇乃戎服策馬南馳時事起倉卒居民爭門而出死者相枕藉無不怨憤司農卿黃鶚至江上軍士以爲黃潛善罵之曰誤國誤民皆汝之罪鶚方辨其非是而首已斷矣金人入揚州焚掠而去帝如杭州以州治爲行宮按廣輿記蜀岡在揚州府城西延亘四十餘里接儀真界相傳地脈通蜀故名唱誅汪黃宋史汪伯彥字廷俊祁門人登進士茂和邵武人登進士第帝嘗迎帝自磁至高陽關路安撫以兵從故皆使執政尋用爲相二人初無謀略專權自恣帝且曰潛善作左相伯彥作右相何患國家不濟時金粘沒喝攻河南兀朮攻山東婁室黑鋒攻陝西兵將日南二人猶主和議會李綱罷相丹陽人陳東上書乞留綱罷汪黃中丞張澈論汪黃大罪二十致陛下蒙塵天下怨懟乞加罷斥潛善伯彥亦自知不爲眾所容聯疏求退乃罷潛善知江寧府伯彥知

洪州潛善惡浮于伯彥猥持國柄嫉害忠良逐李綱
沮宗澤臺諫內侍言者隨陷以奇禍中外爲之切齒
伯彥有相州迎帝之功與潛善用事三年而罷岳珂
程史曰宣和六年春東都地震後三月又震宮殿門
皆動有聲旣而蘭州地及山之草木悉沒入地而山
下麥苗乃在山土驛書聞朝廷徽祖爲之側席時方
得燕兵鸞端日侈上心向關遇災而懼臨朝謂羣臣
曰大觀彗星之異張商英勸朕畏天戒更政事雖復
作輟朕常不忘五月壬寅遂罷經撫房于是時事危
一變矣會遣右司郎中黃潛善按視回乃沒其實以
不害聞天意遽回六月詔天下起免夫錢圖卒固燕
黃驛遷戶部侍郎建炎中興復以攀附致鼎軸殺陳
東歐陽澈逐李忠定撤備納寇皆其爲也維揚渡江
以覆餗賜罷迹其婢阿患得之心蓋已見于在庶僚
時矣遺臭干元祐黨人西行至紫清觀下看荷題
載言之拂膺元祐黨人西行至紫清觀下看荷題
注又渭南文集云豐清敏公爲中執法論事上前曰
司馬光呂公著皆忠賢何爲引赦復官赦當及有罪
耳無罪何赦也徽祖曰光等變先帝法度非乎清
敏頓首曰誠當變無可罪者方元符建中問眾正畢
集于朝廷下喁喁想望太平清敏與陳忠肅公俱極
諫官御史之選而所言則有婉直之異陸楚公佃每

以爲二公之論皆不可廢蓋忠肅似孟子說齊而清敏似伯夷諫周其歸一也

皇甫處士東海操

齊原注東生殉于至正八年夷

而慶元志無載之者○杜清碧谷音曰皇甫

明子字東生性豪宕每乘小舟載琴尊書籍

釣具往來江湖間德祐二年元師入臨安明

子乃載其家百口浮海佯狂賦詩痛哭蹈海

死東生海口詩云窮島迷孤青颺風盪頑寒

不知是海口萬里空波瀾蛟龍恃幽沈怒氣

雄屈蟠崢嶸挾秋陰掛席潮如山熒惑表南

紀天去何時還雲旂光慘淡腰下青琅玕誰

能居甬東一死諒非難嗚呼朝宗意會見桑

土乾又水國詩云水國淒涼在秋宵爛熳眠

歸雲猶帶雨墮月忽明船社稷資長算

髭鬚近暮年亂離栖不定百口託浮田

文原注謂天祥

丞相兮兵解燕山陳

謂宜

丞相兮野死南蠻

張傑謂世

陸夫謂秀

蘇劉即蘇

劉義兮魚腹是填崦嵫餘影兮大

去不還采首山之薇兮薇亦殘采商山之芝兮芝亦闌

臣精已消兮臣心孔艱不如從彭咸兮所居得安臣偷

生兮亦已數年而今全歸兮諒莫之愆

文詳見卷一題錢

陳嘉熙時為太學生景定三年

進士第二德祐

野死南蠻

宋史陳宜中字與權永嘉人

改元拜右相

唐王不及二王走温州閏三月

陸秀夫蘇劉義聞王

王在温州以兵來會楊亮節聞陳宜中在清澳遣使

召之宜中來謁共議興復益王登位宜中再相景炎

二年秋帝舟遷于潮州之淺灣十一月元遣劉深以

舟師來襲帝遷秀山帝欲往占城宜中

請先往諭意遂不返竟死于暹羅國

張宋史張

陽人元將柔之從子得罪來奔由小校立功為都統

制恭宗時徵諸將勤王不至世傑率軍萬人自荆湖

入衛及元兵入杭二王航海世傑扈駕由定海趨三

山益王登極是為端宗拜少保圍蒲壽庚于泉州元

唆都救兵至解圍去已而端宗溺水得驚疾至礪洲

崩羣臣欲去陸秀夫曰度宗一子尚在將焉置之遂

與世傑等共立衛王時年八歲秀夫為左相世傑拜

太傅再遷厓山張宏範兵至世傑曰頻年航海何時

六

已遂焚行朝草舍奉帝入海舟決死戰元兵薄之軍
大潰太后楊氏赴海死世傑將趨安南至平章山下
遇颶風大作世傑曰爲我取辦香來至則仰天呼曰
我爲趙氏亦已至矣一君亡復立一君今又亡我未
死者庶幾別求趙氏立之以存祀耳今若此豈天意
耶若天不欲祚宋則風覆我舟遂覆世傑溺焉宋
亡陸宋史陸秀夫字君實鹽城人登景定初進士
秀夫與焉每宴集坐樽俎閒矜莊終日未嘗少希
合德祐初以禮部侍郎使軍前議和不就二王走溫
州秀夫追從之益王立于福州進端明殿學士簽書
樞密院事景炎三年四月端宗崩于碭洲弟衛王立
以秀夫爲左丞相祥興二年元張宏範襲厓山宋師
大潰秀夫知不免先驅妻子入海謂帝曰陛下不可
再辱負帝赴海死楊太后亦入海
溺焉後宮諸臣從死者甚眾
秀夫蘇劉義閏二王走溫州追及于道召張世傑于
定海世傑亦以所部兵來溫之江心寺已而遷新會
之厓山祥興二年春元張宏範來襲厓山世傑帥劉
義方與等旦夕大戰及兵潰劉義出海洋爲其下所
殺

陳大令岱山操

原注慈溪大令陳文昭名麟受業于慈之大儒寶峰趙氏以傳

慈湖之學乃國珍兵入慶元獨公不屈執而

投之海或諫而止乃囚之岱山終不屈而死

今翁洲志謂避于岱者謬○曹志陳麟字文

昭永嘉人少貧窶爲吏年一十始刻志讀書

登至正十四年進士爲慈令撫摩窮困斥逐

豪強民被其惠時邁里古思在越禿堅帖木

兒在餘姚皆有能名稱浙東三傑僧法匡交

結臺省麟捕置之法方國珍據慶元開府威

勢日熾屬邑承奉恐後麟獨與抗國珍執之

欲殺不果羈縻于岱山上尋又遷置城中朝

命屢遷至中順大夫秘書丞以道阻不能赴

又趙偕字子永慈谿人志尚敦實初習舉子

業歎其無益身心及讀楊文元公遺書曰道

在是矣口誦心維晝夜不輟有見于萬象森

羅渾爲一體乃悉棄舊業而學焉隱居大寶

山之麓躬行孝友鄉子弟多從之游日舉聖

賢之言以啟迪之雖處山林恆有憂世之色

邑令陳文昭親及門受學學者稱爲寶峰先

生同邑時子中王碧困向壽烏本良斯道顧

道及壽子朴子中子銘朴子道漳皆傳其學

昔年寶峰兮北面受教晝而鳴琴兮夜則講道聖學有
眞兮惟忠與孝詎以城邑兮齎彼羣盜憤彼元帥兮喪
其旌纛空令下吏兮義憤懔懔洋洋東海兮岱山其隩
擬蘇卿兮困于雪窖西瞻寶峰兮靈光有曜不負吾師
兮臨流長嘯

岱山

詳見卷五岱山土物題注

甬上饒歌

陽明討

原注吳太祖孫堅討許生事見吳志而深寧七觀未之及亦一漏也○陳壽吳

志漢靈帝熹平元年會稽妖賊許生作亂于句章自稱陽明皇帝與其子韶扇動諸縣眾以萬數吳郡司馬孫堅募召精勇得千餘人與州郡合討平之

高陵人中虎大江所篤生五雲桐江煥神夢閭門呈漢

家方不振徧地嗟土崩蠹茲句章妖私署帝陽明丹山
九洞天詎堪此蠅聲高陵方蠖屈大呼鳴不平歐治雌
雄劒力足驅百靈秦皇老弓箭爲我助精英浙東一麾
定再掃黃巾兵

高陵

一名吳陵陸應陽廣輿記孫堅墓在南

五雲

吳書孫堅世仕吳家于富春葬于城東冢上數有光怪雲氣五色上屬于天曼延數里眾皆往觀視父老

相謂曰是非凡氣孫氏其興矣

神夢閭門呈

吳志孫堅母夢腸出繞吳閭門以告鄰母

鄰母曰安知其非吉徵也獻帝興平中謠言黃金車斑斕耳開閭門出天子按閭門今蘇州府城門名也

秦皇弓箭

高字泰敬止錄翠巖山在縣西五十里有秦皇石版弓箭洞葛仙翁以泥封之

遺跡猶存

浹口捷

沈約宋書高祖紀晉安帝隆安三年十一月妖賊孫恩作亂于會稽前將軍劉

牢之東討十二月恩遁還入海四年五月恩復入會稽十一月劉牢之復率眾東征恩退走牢之屯上虞使劉裕戍句章城句章城既卑小戰士不盈數百人裕披堅執銳爲士卒先每戰輒摧鋒陷陣賊乃退還浹口時東伐諸帥御軍無律惟裕法令明整所至莫不親賴焉五年春恩頻攻句章裕屢摧敗之恩復走入海○浹口詳見卷二潘集英三江亭詩注

官奴城嶢嶢武皇曾晦跡未幾海氛揚甬東尤畏賊乃勞戍守來遂以展鵬翮篠牆築江介金湯固磐石嗤彼王內史欲借米鬼力海門雙浹口樓船高南極阿誰能飛渡殊非老羆敵徐徐麾赤羽萬夫羣辟易游魂返越東待我掃餘息

官奴城

見卷二潘集英三江亭詩注

篠牆

黃潤玉三江亭賦序劉牢之討孫恩來句